



Broj: JN-OP-1032-9/2025

Datum: 02-06-2026

**PREDMET:** Pojašnjenje tenderske dokumentacije

U sjedištu Ugovornog organa dana 29.05.2026. godine, pod brojem protokola: JN-OP-1032-7/2025 i JN-OP-1032-8/2025, zaprimljeni su Zahtjevi za pojašnjenje tenderske dokumentacije, broj: JN-OP-1032-6/2025 u postupku javne nabavke Zamjena IT opreme, dostavljen od strane privrednog subjekta Digitarija d.o.o. Sarajevo, u kome se traže sljedeća pojašnjenja:

1. KRITIČNO - Tastatura i mis 'od istog proizvođača kao racunar' (Prilog 7, stavke TIP 1) i TIP 2)

Sporno: Zahtjev da USB tastatura i mis budu 'od istog proizvođača kao uređaj/racunar' predstavlja klasičan brand-tying kojim se dodatna (potrošna) oprema vezuje za proizvođača glavnog uređaja. Takav uslov nije srazmjeran predmetu nabavke, vjestacki sužava krug ponudjaca i poskupljuje ponudu, suprotno cl. 3, 53. i 54. ZJN. Periferija je robno zamjenjiva i njen proizvođač ni na koji način ne utiče na funkcionalnost niti garanciju racunara.

Zahtijevana izmjena: Brisati formulaciju 'od istog proizvođača'. Definisati neutralno: 'USB tastatura, BiH latinični raspored' i 'USB optički mis sa scroll tockicem', bez vezivanja za proizvođača racunara.

2. Procesor 'tačno 10 jezgri /16 niti' bez benchmarka i bez 'ili ekvivalent' (Prilog 7, TIP 1 i TIP 2)

Sporno: Fiksiranje broja jezgri (10) i niti (16) de facto opisuje konkretnu generaciju procesora jednog proizvođača (Intel Core 15-13400/14400) i isključuje funkcionalno ekvivalentne procesore drugog proizvođača (npr. AMD Ryzen, gdje je tipična konfiguracija 6 jezgri/12 niti ili 8 jezgri/16 niti). Tehničke karakteristike moraju biti izražene kroz performanse ili funkcionalne zahtjeve, a ne kroz parametre svojstvene jednom proizvođaču (cl. 53. i 54. ZJN).

Zahtijevana izmjena: Umjesto fiksnog broja jezgri/niti definisati minimalni rezultat nezavisnog benchmarka (npr. PassMark CPU Mark  $\geq$  19.000 bodova) ILI dodati klauzulu 'ili ekvivalent' uz mogućnost dokazivanja performansi.

3. Monitor: osvježavanje  $\geq$  100 Hz (Prilog 7, stavka 3)

Sporno: Za kancelarijski rad (rad u Active Directory okruženju, uredske aplikacije) standard je 60-75 Hz. Zahtjev za  $\geq$ 100 Hz nesrazmjerno sužava izbor i poskupljuje opremu bez ikakve funkcionalne potrebe, suprotno cl. 3. i 53. ZJN. Dodatno, tražena kombinacija  $\geq$ 100 Hz uz VGA priključak praktično ne postoji na tržištu, što potvrđuje prespecifikaciju.

Zahtijevana izmjena: Spustiti zahtjev na  $\geq$  60 Hz (alternativno  $\geq$  75 Hz), ili obrazložiti konkretnu funkcionalnu potrebu za 100 Hz.

4. ISO/IEC 27001 (domen: informacione tehnologije) kao kvalifikacioni uslov (tacka 15.1.b) Sporno: Za nabavku procijenjene vrijednosti 29.000 KM koja se svodi na zamjenu 9

računara/monitora i osnovnu instalaciju, zahtjev za posjedovanjem sertifikata ISO/IEC 27001 je nesrazmjerni prirodni i vrijednosti nabavke (cl. 48(3) ZJN). Standard ISO 9001 je dovoljan dokaz sistema upravljanja kvalitetom za ovu vrstu usluge.

Zahtijevana izmjena: Brisati uslov ISO/IEC 27001 ili ga zamijeniti izjavom ponudjaca o primijenjenim mjerama zaštite informacija, u skladu sa cl. 48(6) ZJN (prihvatanje ekvivalentnih dokaza).

5. Pogrešna klasifikacija predmeta - 'usluga' umjesto 'roba' (tačke 5.4, 6.1 i OPN) Sporno: Predmet je vodjen kao 'nabavka usluga / ostale usluge', iako po vrijednosti i prirodni dominira ROBA (7+2 računara i 9 monitora), dok je instalacija sporedna. JRJN oznaka 30200000-1 ('Računarska oprema i potrepštine') takodje upućuje na robu. U skladu sa cl.

16. ZJN, mješoviti ugovor klasifikuje se prema dijelu veće vrijednosti, sto ovdje nije roba/usluga uskladjeno.

Zahtijevana izmjena: Pojasniti i, po potrebi, ispraviti klasifikaciju predmeta (roba) ili obrazložiti zašto se nabavka tretira kao usluga.

## II. ZAHTJEVI ZA POJAŠNJENJE (manje sporne odredbe)

- PCIe slotovi: zašto se traži  $\geq 3$  slobodna PCIe slota (1x16) za poslovni računarski integrisanom grafikom? Ovaj uslov implicira specifičan (tower) form factor i sužava izbor - molimo obrazloženje funkcionalne potrebe ili smanjenje zahtjeva.

- SD reader na prednjoj strani desktopa: neuobičajen zahtjev za poslovni desktop koji sužava izbor - molimo da se učini opcionim ili obrazloži.

- Monitor - ergonomija (visina  $\geq 130$ mm) i VGA priključak (zastarjeli standard): molimo smanjenje visine na  $\geq 100$ mm i da se VGA učini opcionim.

- Service Desk: odredbe se razlikuju - tacka 15.1 .c traži dostupnost 'e-mailom ili telefonom', a tacka 15.2.c '24 sata putem web portala i e-mail + telefon 8x5'. Molimo uskladjivanje i jasno definisanje traženog nivoa usluge.

- Operativni sistem 'Win 11 Pro': molimo potvrdu da se OEM licenca isporučuje uz računar i

daje uključena u cijenu (DDP), te dodavanje 'ili ekvivalent' u skladu sa cl. 54ZJN.

## III. ZAHTJEV ZA PRODUŽENJE ROKA

Budući da tražene izmjene zahtijevaju prilagodjavanje ponuda, zahtijevamo da ugovorni organ, u skladu sa cl. 56(3) u vezi sa cl. 60 ZJN, nakon izmjene tenderske dokumentacije produži rok za prijem ponuda za najmanje 7 (sedam) dana.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

### 1. KRITIČNO - Tastatura i miš 'od istog proizvođača kao računar' (Prilog 7, stavke TIP 1 i TIP 2)

Sporno: Zahtjev da USB tastatura i miš budu 'od istog proizvođača kao uređaj/računar' predstavlja klasičan brand-tying kojim se dodatna (potrošna) oprema vezuje za proizvođača glavnog uređaja. Takav uslov nije srazmjerni predmetu nabavke, vjestacki sužava krug ponudjaca i poskupljuje ponudu, suprotno cl. 3, 53. i 54. ZJN. Periferija je robno zamjenjiva i njen proizvođač ni na koji način ne utiče na funkcionalnost niti garanciju računara.

Zahtijevana izmjena: Brisati formulaciju 'od istog proizvođača'. Definisati neutralno: 'USB tastatura, BiH latinični raspored' i 'USB optički mis sa scroll tockicem', bez vezivanja za proizvođača računara.

Zahtjev ponuđača se **ne prihvata**.

Ugovorni organ ostaje pri zahtjevu da se uz ponuđeni računar isporuče tastatura i miš istog proizvođača kao i ponuđeni računar, odnosno tastatura i miš koji predstavljaju dio OEM/standardne konfiguracije proizvođača ponuđenog računara.

Navedeni zahtjev nije postavljen s ciljem favorizovanja određenog proizvođača, marke ili modela opreme, niti ugovorni organ zahtijeva računar određenog proizvođača. Ponuđači mogu ponuditi računare različitih proizvođača, pod uslovom da kompletna ponuđena konfiguracija ispunjava minimalne tehničke zahtjeve iz tenderske dokumentacije.

Razlog za navedeni zahtjev je potreba ugovornog organa da se isporuči jedinstven poslovni komplet računarske opreme, sa jasno definisanom kompatibilnošću, jedinstvenom servisnom i garantnom odgovornošću, standardizovanim načinom reklamacije i održavanja, te smanjenjem operativnih problema u eksploataciji opreme.

Tastatura i miš predstavljaju sastavni dio radne stanice koju korisnik svakodnevno koristi, te ugovorni organ ima opravdan interes da navedena oprema bude isporučena kao usklađen komplet sa računarom, a ne kao naknadno dodata periferna oprema različitog ili nepoznatog porijekla.

Pod tastaturom i mišem istog proizvođača smatra se tastatura i miš koji su brendirani od strane proizvođača ponuđenog računara ili koji su navedeni kao dio OEM/standardne konfiguracije proizvođača ponuđenog računara. Ponuđač navedeno može dokazati katalogom, tehničkom dokumentacijom, konfiguratorom proizvođača, zvaničnom specifikacijom ponuđenog modela računara ili drugim odgovarajućim dokazom.

Ugovorni organ posebno ističe da navedeni zahtjev ne ograničava konkurenciju na jednog proizvođača, jer više proizvođača poslovnih desktop računara na tržištu isporučuje računare zajedno sa pripadajućom tastaturom i mišem istog proizvođača, odnosno kao dio standardne poslovne konfiguracije.

Shodno navedenom, ugovorni organ smatra da je predmetni zahtjev opravdan, proporcionalan predmetu nabavke i usmjeren na obezbjeđenje pouzdane, standardizovane i dugoročno održive poslovne računarske opreme, te se zahtjev za izmjenu tenderske dokumentacije u ovom dijelu ne prihvata.

2. *Procesor 'tačno 10 jezgri /16 niti' bez benehmarka i bez 'ili ekvivalent' (Prilog 7, TIP 1 i TIP 2)*

*Sporno: Fiksiranje broja jezgri (10) i niti (16) de facto opisuje konkretnu generaciju procesora jednog proizvođača (Intel Core i5-13400/14400) i isključuje funkcionalno ekvivalentne procesore drugog proizvođača (npr. AMD Ryzen, gdje je tipična konfiguracija 6 jezgri/12 niti ili 8 jezgri/16 niti). Tehničke karakteristike moraju biti izražene kroz performanse ili funkcionalne zahtjeve, a ne kroz parametre svojstvene jednom proizvođaču (cl. 53. i54.ZJN).*

*Zahtijevana izmjena: Umjesto fiksnog broja jezgri/niti definisati minimalni rezultat nezavisnog benchmarka (npr. PassMark CPU Mark >= 19.000 bodova) ILI dodati klauzulu 'ili ekvivalent' uz mogućnost dokazivanja performansi.*

Zahtjev ponuđača se **djelimično prihvata**.

Tehnička specifikacija procesora se precizira i glasi:

"Processor poslovne desktop klase, x64 arhitekture, minimalno 8 fizičkih jezgara i minimalno 16 niti (threads). Ponuđeni procesor mora ostvariti minimalno:

- PassMark CPU Mark: 23.000 bodova ili više, i
- PassMark Single Thread Rating: 3.500 bodova ili više,

ili odgovarajući rezultat u drugom relevantnom nezavisnom benchmark testu kojim se dokazuje jednak ili bolji nivo performansi."

Ponudač je dužan u ponudi dostaviti dokaz u vidu linka na web site ili ispis iz javno dostupne baze rezultata za ponuđeni procesor.

Ugovorni organ ne propisuje proizvođača procesora, već minimalni broj fizičkih jezgara, broj niti i objektivno mjerljiv nivo performansi. Navedeni zahtjevi su određeni imajući u vidu namjenu računara, očekivani period korištenja i potrebu da se obezbijedi stabilan rad poslovnih aplikacija u predviđenom dugoročnom periodu eksploatacije.

3. *Monitor: osvježavanje  $\geq 100$  Hz (Prilog 7, stavka 3)*

*Sporno: Za kancelarijski rad (rad u Active Directory okruženju, uredske aplikacije) standard je 60-75 Hz. Zahtjev za  $\geq 100$  Hz nesrazmjerno sužava izbor i poskupljuje opremu bez ikakve funkcionalne potrebe, suprotno cl. 3. i 53. ZJN. Dodatno, tražena kombinacija  $\geq 100$  Hz uz VGA priključak praktično ne postoji na tržištu, što potvrđuje prespecifikaciju.*

*Zahtijevana izmjena: Spustiti zahtjev na  $\geq 60$  Hz (alternativno  $\geq 75$  Hz), ili obrazložiti konkretnu funkcionalnu potrebu za 100 Hz.*

Zahtjev za smanjenje na 60 Hz ili 75 Hz se **ne prihvata**.

Ugovorni organ zadržava zahtjev za monitor sa osvježavanjem ekrana od **najmanje 100 Hz**, jer se radi o opremi za svakodnevni dugotrajan rad korisnika. Veća frekvencija osvježavanja predstavlja funkcionalnu i ergonomsku prednost u odnosu na osnovne monitore niže klase, naročito kod višesatnog rada sa dokumentima, tabelama, tehničkim aplikacijama i poslovnim softverom.

Zahtjev nije vezan za određenog proizvođača, niti za određeni model monitora. Ugovorni organ je zahtjev definisao kao minimalni funkcionalni zahtjev kvaliteta, s ciljem nabavke kvalitetnije i dugoročno upotrebljive opreme.

Radi dodatnog pojašnjenja, zahtjev za VGA priključak ne znači da se frekvencija od 100 Hz mora ostvariti preko VGA priključka. Primarni priključci monitora mogu biti HDMI i/ili DisplayPort, dok se VGA zahtijeva radi kompatibilnosti sa postojećom starijom opremom. Ugovorni organ prihvata da VGA bude obezbijeden kao:

**integrisani VGA priključak na monitoru ili isporučen odgovarajući adapter sa HDMI/DisplayPort na VGA, bez dodatnih troškova za ugovorni organ.**

4. *ISO/IEC 27001 (domen: informacione tehnologije) kao kvalifikacioni uslov (tacka 15.1.b) Sporno: Za nabavku procijenjene vrijednosti 29.000 KM koja se svodi na zamjenu 9 računara/monitora i osnovnu instalaciju, zahtjev za posjedovanjem sertifikata ISO/IEC 27001 je nesrazmjernan prirodi i vrijednosti nabavke (cl. 48(3) ZJN). Standard ISO 9001 je dovoljan dokaz sistema upravljanja kvalitetom za ovu vrstu usluge.*

*Zahtijevana izmjena: Brisati uslov ISO/IEC 27001 ili ga zamijeniti izjavom ponudjaca o primijenjenim mjerama zaštite informacija, u skladu sa cl. 48(6) ZJN (prihvatanje ekvivalentnih dokaza).*

Zahtjev ponuđača se **ne prihvata**.

Ugovorni organ ostaje pri zahtjevu koji se odnosi na posjedovanje certifikata BAS EN ISO /IEC 27001, odnosno ekvivalentnog dokaza o uspostavljenim mjerama upravljanja informacionom bezbjednošću.

Ugovorni organ pojašnjava da predmet nabavke nije samo isporuka računara kao robe, već usluga zamjene, isporuke, instalacije, podešavanja i puštanja u rad IT opreme u poslovnom informacionom okruženju ugovornog organa. Izvršenje ugovora može uključivati pristup radnim stanicama, domenskom okruženju, korisničkim profilima, mrežnim podešavanjima, sigurnosnim politikama, poslovnim aplikacijama i drugim informacijama koje imaju značaj za informacionu bezbjednost ugovornog organa.

Imajući u vidu navedeno, ugovorni organ smatra da je zahtjev za posjedovanjem certifikata BAS EN ISO /IEC 27001 opravdan, proporcionalan predmetu nabavke i usmjeren na obezbjeđenje da izvršilac usluge ima uspostavljen sistem upravljanja informacionom bezbjednošću, definisane procedure postupanja sa informacijama, kontrolu pristupa, upravljanje rizicima, postupanje sa incidentima i mjere zaštite povjerljivosti podataka.

Zahtjev nije postavljen s ciljem ograničavanja konkurencije, niti favorizovanja određenog ponuđača, već radi zaštite informacionog sistema ugovornog organa i obezbjeđenja sigurnog izvršenja usluga koje prate isporuku i zamjenu IT opreme.

Radi preciziranja i izbjegavanja mogućih nejasnoća, uslov se definiše na sljedeći način:

**"Ponuđač mora posjedovati važeći certifikat BAS EN ISO/IEC 27001 za sistem upravljanja informacionom bezbjednošću, izdat od strane akreditovanog certifikacionog tijela, pri čemu područje certifikacije mora biti povezano sa pružanjem IT usluga, isporukom, instalacijom, održavanjem, servisiranjem ili podrškom informacionim sistemima i IT opremi.**

**Ugovorni organ će prihvatiti i ekvivalentan certifikat ili drugi odgovarajući dokaz kojim ponuđač dokazuje da raspolaže ekvivalentnim mjerama upravljanja informacionom bezbjednošću relevantnim za izvršenje predmetne nabavke."**

5. *Pogrešna klasifikacija predmeta - 'usluga' umjesto 'roba' (tačke 5.4, 6.1 i OPN) Sporno: Predmet je vodjen kao 'nabavka usluga / ostale usluge', iako po vrijednosti i prirodi dominira ROBA (7+2 racunara i 9 monitora), dok je instalacija sporedna. JRJN oznaka 30200000-1 ('Računarska oprema i potrepštine') takodje upućuje na robu. U skladu sa cl.*

16. *ZJN, mješoviti ugovor klasifikuje se prema dijelu veće vrijednosti, sto ovdje nije roba/usluga uskladjeno.*

*Zahtijevana izmjena: Pojasniti i, po potrebi, ispraviti klasifikaciju predmeta (roba) ili obrazložiti zašto se nabavka tretira kao usluga.*

Zahtjev ponuđača se **ne prihvata**.

Ugovorni organ ostaje pri klasifikaciji predmeta nabavke i CPV kodu navedenom u tenderskoj dokumentaciji.

Predmetna nabavka je planirana i pokrenuta u skladu sa usvojenim Planom javnih nabavki ugovornog organa, u kojem je predmet nabavke kvalifikovan kao nabavka usluga. Ugovorni organ u ovoj fazi postupka ne može mijenjati vrstu predmeta nabavke na način koji bi bio suprotan usvojenom planu javnih nabavki i odluci o pokretanju postupka.

Ugovorni organ pojašnjava i naglašava da predmet nabavke nije samo nabavka pojedinačnih računara kao robe, nego cjelovita usluga zamjene, isporuke, instalacije, podešavanja i puštanja u rad IT opreme u informacionom okruženju ugovornog organa. U okviru izvršenja ugovora ponuđač nije dužan samo isporučiti računare, već obezbijediti funkcionalno kompletiranu i upotrebljivu radnu opremu, uključujući isporuku, instalaciju, osnovno podešavanje, provjeru funkcionalnosti, garantnu i servisnu podršku, te druge prateće aktivnosti predviđene tenderskom dokumentacijom.

Računari i prateća oprema predstavljaju neophodan materijalni dio izvršenja predmetne usluge, ali svrha nabavke za ugovorni organ je zamjena postojeće IT opreme i stavljanje nove opreme u funkcionalno stanje za korištenje u poslovnom informacionom sistemu ugovornog organa.

Navedeni CPV kod i klasifikacija predmeta nabavke ne mijenjaju tehničke zahtjeve za ponudenu opremu, niti utiču na mogućnost ponuđača da pripreme i dostave ponudu. Svi ponuđači ponudu pripremaju na osnovu istih tehničkih zahtjeva, istih uslova izvršenja ugovora i istog obrasca za cijenu ponude. Ugovorni organ smatra da je predmet nabavke u tenderskoj dokumentaciji dovoljno jasno opisan, da ponuđači imaju dovoljno informacija za pripremu ponude, te da zadržavanje planirane klasifikacije i CPV koda ne dovodi ponuđače u neravnotežan položaj.

Shodno navedenom, zahtjev za izmjenu klasifikacije predmeta nabavke i CPV koda se ne prihvata.

6. *PCIe slotovi: zašto se traži  $\geq 3$  slobodna PCIe slota (1x16) za poslovni računarski integrisanom grafikom? Ovaj uslov implicira specifičan (tower) form factor i sužava izbor - molimo obrazloženje funkcionalne potrebe ili smanjenje zahtjeva.*

Zahtjev za smanjenje se **ne prihvata**, uz dodatno pojašnjenje.

Ugovorni organ ostaje pri zahtjevu za računarima koji omogućavaju proširenje, jer se računari nabavljaju za višegodišnju upotrebu i moraju omogućiti naknadnu ugradnju dodatnih kartica, kao što su dodatne mrežne kartice, komunikacione kartice, serijske kartice, grafičke ili druge proširive kartice, zavisno od budućih potreba ugovornog organa.

Pojašnjava se da zahtjev nije postavljen zbog korištenja posebne grafičke kartice u trenutku isporuke, već zbog buduće proširivosti i dužeg životnog vijeka opreme.

Specifikacija se precizira na sljedeći način:

**Računar mora imati najmanje tri PCIe slota ukupno, od kojih najmanje jedan PCIe x16 slot mora biti slobodan nakon isporuke.**

7. *SD reader na prednjoj strani desktopa: neuobičajen zahtjev za poslovni desktop koji sužava izbor - molimo da se učini opcionim ili obrazloži.*

Zahtjev se **djelimično prihvata**.

Ugovorni organ zadržava funkcionalni zahtjev za mogućnost čitanja SD kartica, jer se u poslovnom radu povremeno koriste memorijski mediji sa uređaja u terenskoj upotrebi, fotografije, tehnička dokumentacija i druga prenosiva dokumentacija.

Radi omogućavanja šire konkurencije, zahtjev se mijenja i glasi:

**Uz svaki računar potrebno je obezbijediti SD čitač kartica, koji može biti integrisan u kućište računara ili isporučen kao eksterni USB čitač kartica. Ukoliko se isporučuje eksterni USB SD čitač, mora biti nov, kompatibilan sa ponuđenim računarom i obuhvaćen garantnom podrškom ponuđača.**

8. *Monitor - ergonomija (visina  $\geq 130$ mm) i VGA priključak (zastarjeli standard): molimo smanjenje visine na  $\geq 100$ mm i da se VGA učini opcionim.*

Zahtjev za smanjenje podešavanja visine na 100 mm se **ne prihvata**.

Ugovorni organ zadržava zahtjev za podešavanje visine monitora od najmanje **130 mm**, jer je riječ o ergonomskom zahtjevu za radna mjesta na kojima korisnici svakodnevno rade više sati. Podešavanje visine omogućava pravilnije postavljanje monitora, smanjenje naprezanja korisnika i bolje prilagođenje različitim korisnicima.

U vezi sa VGA priključkom, ugovorni organ daje pojašnjenje:

**VGA može biti obezbijeđen kao integrisani priključak na monitoru ili putem odgovarajućeg isporučenog adaptera sa HDMI/DisplayPort na VGA. Adapter mora biti uključen u cijenu ponude i isporučen zajedno sa monitorom.**

9. *Service Desk: odredbe se razlikuju - tacka 15.1 .c trazi dostupnost 'e-mailom ili telefonom', a tacka 15.2.c '24 sata putem web portala i e-mail + telefon 8x5'. Molimo usklađivanje i jasno definisanje traženog nivoa usluge.*

Zahtjev se **prihvata**.

Radi usklađivanja odredbi tenderske dokumentacije, zahtjev za servisnu podršku se precizira na sljedeći način:

**"Ponuđač mora imati obezbijeđenu servisnu podršku za prijavu kvarova i zahtjeva putem e-maila i/ili web portala 24 sata dnevno, 7 dana u sedmici. Telefonska podrška mora biti dostupna radnim danima (ponedjeljak-petak) u periodu 08:00–15:00 časova. Ponuđač je dužan potvrditi prijem prijave kvara najkasnije narednog radnog dana od dana prijave. Dalje postupanje po prijavi vrši se u skladu sa garantnim uslovima proizvođača/ponuđača i zahtjevima iz tenderske dokumentacije."**

10. *Operativni sistem 'Win 11 Pro': molimo potvrdu da se OEM licenca isporučuje uz računar i daje uključena u cijenu (DDP), te dodavanje 'ili ekvivalent' u skladu sa cl. 54ZJN.*

Zahtjev se **djelimično prihvata**.

Ugovorni organ koristi postojeće Microsoft poslovno okruženje, uključujući domensku infrastrukturu, grupne politike, centralizovano upravljanje korisnicima i računarima, sigurnosne politike i poslovne aplikacije koje zahtijevaju kompatibilan operativni sistem. Specifikacija se precizira na sljedeći način:

**"Uz svaki računar mora biti isporučen legalan, trajan i aktiviran operativni sistem Windows 11 Pro 64-bit OEM ili ekvivalentan operativni sistem koji omogućava punu integraciju u postojeće Microsoft Active Directory okruženje ugovornog organa, primjenu grupnih politika, sigurnosnih politika, enkripcije diska, udaljene administracije i korištenje postojećih poslovnih aplikacija ugovornog organa bez dodatnih troškova za ugovorni organ.**

**Licenca operativnog sistema mora biti uključena u cijenu ponude, isporučena sa računarom i obuhvaćena DDP uslovima isporuke. Nisu prihvatljive probne, vremenski ograničene, nelicencirane ili licence koje nisu trajno vezane za isporučeni računar u skladu sa pravilima licenciranja isporučioaca opreme kao i Microsoft-a kao proizvođača operativnog sistema."**

### *III. ZAHTJEV ZA PRODUŽENJE ROKA*

*Budući da tražene izmjene zahtijevaju prilagodjavanje ponuda, zahtijevamo da ugovorni organ, u skladu sa cl. 56(3) u vezi sa cl. 60 ZJN, nakon izmjene tenderske dokumentacije produži rok za prijem ponuda za najmanje 7 (sedam) dana.*

Imajući u vidu da će određeni dijelovi tenderske dokumentacije biti pojašnjeni i izmijenjeni, ugovorni organ će, u skladu sa zakonom i pravilima postupka, objaviti izmjenu tenderske dokumentacije i produžiti rok za dostavljanje ponuda tako da svi zainteresovani ponuđači imaju dovoljno vremena za pripremu i dostavljanje ponuda.

### **Zaključak**

Ugovorni organ smatra da su navedenim pojašnjenjima i izmjenama otklonjene moguće nejasnoće, da je omogućeno učešće većeg broja ponuđača, te da su istovremeno zadržani opravdani funkcionalni i kvalitativni zahtjevi potrebni za nabavku pouzdane, nove i dugoročno upotrebljive poslovne računarske opreme.

S poštovanjem,

Predsjednik Komisije za  
JN-OP-1032/2025

